

scat speciem . anne et *Othonna Petasites* sit ejusdem speciei, certe sic mihi videtur collatis meis cum Tuis . si hanc novisti , me doceas in tempore.

Quantum doleo quod tam sero acceperim tuam floram vix dicere possum . sed in appendice allegabo et adjiciam Tua.

Loranthum tuum maxime miror tam diversum fructificatione esse a vulgari Visco.

Valerianam tuam novam habui, sed non ausus fui e specimine distinguere a *Valeriana celtica*, metuens varietatem, cum nullus viderat praeter *Burserum* inter veteres.

Nulla tempore tot prodire in Botanicis libri, numquam tot nova.

Animalium numerus crescit quotidie in immensum, ut vix ulterius sustineo assequi.

Vale et vive felix.

Upsaliae 1762, d. 24. Septembris.

22.

Viro amplissimo DD. Nic. Jacquinio s. pl. d. Car.
Linnaeus Equ.

Tuas 23. Octobris ante triduum rite accepi, una cum novis Tuis Tabulis . quoties eas excipio toties in intimo cordis doleo, quod non sciam earum historiam, certe nullus in toto orbe magis exoptat Tuam Historiam Plantarum Americanarum quam ego.

Quamprimum occasio sese offerat, mittam specierum plantarum tomum primum ad D. Rotboll Hafniensem . bene fecisti quod *Gouaniae* nomen imposuisti *Rhamno* isto, illud nomen pro reliquis multis libenter assumam.

Androsacen Tuam facile crederem esse plantam novam, ortam ab alia.